


Leikanger KYRKJELYDS BLAD

Nr. 1 - 2016 Årgang 70



Årsmelding for Leikanger sokn



Kulturgryte med systrendingar, eritrearar og syrarar



Knut Henning Grepstad

Ein slik kommune vil eg bu i

Neste nummer kjem i slutten av august 2016.

Sogn Avis kunne også fortelja om Alya frå Syria som
 har språkpraksis i Askedalen barnehage. Ho kunne
 berre arabisk, og Edith Valeberg Eggum innrømte at dei tilsette hadde vore litt
 skeptiske.
 – Men me tenkte at ho berre er eit menneske akkurat som oss, sa Edith. Og
 Alya fann seg til rette frå fyrste dag. Dei tilsette innsåg at ein kjem langt med
 miming, kroppsspråk, Google og ikkje med latter og leik.

Fåe dagar etter arrangementet drøfta Leikanger kommunestyre busetjing av mindreårige flyktningar i kommunen. Henny Kristin Asperanden Navarsete snudde debatten. – Korleis hadde det vore for meg å senda ungen min ut i verda som flyktning, og så kjem han til eit land der dei ikkje vil vita av han? spurde Navarsete.

Det blæs ein kald vind denne våren. Mange flyktningar kjenner seg utrygge på om dei er velkomne i landet vårt. Særleg muslimane vert stigmatiserte og lett sett på som potensielle terroristar. Me må halda fast på Edith og Henny Kristin sine ord om at dei er menneske nett som oss. Borna deira kunne ha vore borna våre.

Takk til Sogn Avis som formidlar desse historiene. Me treng dei. Me høyrer dagleg andre tonar – tilsynelatande ufarlege nyhende som likevel er med på å nære frykt og framandhat. Ei slik samfunnsutvikling er ingen tente med.

Leikanger sokneråd har engasjert seg for flyktningane, og før jul skipa dei på kort varsel til fargerik førjulssamling i kyrkjelydshuset med mat frå ulike land. Dei nye sambygdingane våre presenterte seg og stemninga var god. Stundom kan slike enkle tiltak vera viktige. Og små handlingar – som eit smil, eit ”hei” eller ein kopp kaffi – gjer ein stor skilnad.

Me går mot påske. Ein salme me syng i fastetida er "Se, vi går opp til Jerusalem". På denne vegen passerer me no dei som "har falle i hendene på røverar". Det greiaste er å gå rett forbi. Men kva hender om eg stansar? Om eg går nærare? Om eg vert kjent med den som ligg der? Er det farleg å verta engasjert? Kan det få økonomiske konsekvensar? Lukasevangeliet kap.10 kan vera god lesnad og historia om den miskunnsame samaritanen er ei forteljing ein kan reflektera over og handla etter.

I ord og gjerning kan vi vere med på å gje medmenneske i ein svært krevjande situasjon framtid og håp. Slik får vi også høve til å oppleve rikdommen i den menneskelege fellesskapen, og det gode og verdfulle som dei som kjem kan tilføre både den einskilde og samfunnet, skriv biskop Halvor Nordhaug i eit brev til kyrkjelydane i Bjørgvin.

Er det dette me gjer i Leikanger akkurat no?

Ein slik kommune vil eg bu i.

Egon Aakvik

Egon Abkhil

Knut Henning Grepstad:

Eg har alltid vore engasjert

Knut Henning er blitt pensjonist. Nøkkelen til kontoret er enno ikkje levert, men det er like før. Den samfunnsengasjerte valeksperten ser seg gjerne attende, men helst vil han vera seg medviten og engasjert i samtida og sjå framover.

– Eg har alltid vore engasjert i internasjonalt hjelpearbeid. Det har difor vore naturleg å ta del i arbeidet med integrering av flyktningane som kjem hit. Eg synes det er sterkt overdrive at det kjem så mange at Noreg ikkje maktar å ta imot dei. Det greier me fint viss me vil! Alle kan bidra litt. Det er eit godt teikn at det har vore dugnad i Leikanger der det er skaffa flyktningeverner. Det er også positivt at det er sett i gang tiltak for å få flyktningane ut av einsemd og isolasjon. Me treng fleire folk og mange arbeidsvillige hender i framtida.

Tekst/foto: Egon Askvik

Namn:

Knut Henning
Grepstad

Alder:

Fødd i 1945

Fødestad:

Høyanger

Utdanning:

Leikanger kommunale realskule,
Sogndal gymnas, juristutdanning i Oslo.

Yrke:

Tidlegare jurist i Statens
personaldirektorat, assisterande
personalsjef ved Rikshospitalet og
byråsjef i Helsedirektoratet.

Sidan 1978 tilsett i Sogn og Fjordane
fylkeskommune.

No pensjonist.

- *Kva har vore ditt bidrag i dette?*
- For tida prøver eg å vera ei støtte for Hagos frå Eritrea. Han har fortalt mykje om livet som flyktning og det er sterk kost. Det er heller ikkje lett å bli sitjande gjerandslaus i eit husvære utan arbeid og nettverk samstundes som kona og sonen ventar i eit utrygt tilvære i Sudan. Nett no er det øvingskjøring til sertifikatet som står på programmet. Utan sertifikat og bil vert du ganske isolert på bygda.

- *Du har jobba mange år i fylkeskommunen. Kva har oppgåvene dine vore?*

- Eg starta som kontorsjef og var i mange år assisterande fylkesrådmann. Eg har også drive med informasjon og personaladministrasjon. Dei siste tjue åra har eg vore leiar for fylkesordføraren sitt sekretariat.

Mange kjenner også Knut Henning som kommentator ved stortings-, fylkestings- og kommuneval. Det har vorte mange direktesendingar i NRK med analysar om valet i dei ulike kommunane i fylket.

Der må eg skuffa
deg

- *Kva med kyrkja og den kristne trua?*
- Der må eg skuffa deg. Kristentrua er ikkje ein dimensjon i mitt liv. Eg finn ikkje noko trøyst i det hinsidige. Eg er meir oppteken av livet her og no og vil ikkje bruka tid på tankar om livet etter døden. Eg meiner det er å skapa falske forventningar.

- *Du er ikkje redd for døden?*

- Eg har vore ganske nær døden. I 2012 var eg i ei billukke som nær tok livet mitt. Eg hugsar at då eg vakna, tenkte eg: Det hadde ikkje gjort meg noko om eg ikkje vakna att no.

Knut Henning hadde ikkje noko religiøs oppvekst, men familien hans hadde eit nært forhold til presten og prestegarden.

- Me voks opp i Korea på det som frå gamalt vart nytta som kornåkeren til prestegarden. Presten var næraste naboen vår. Presten Daae kom attende i teneste i 1953 og han var ein spesiell type. Det lever mange soger om han. Mange var nok provoserte av denne libertinaren som drakk vin og hadde hushalderske, ho Sittona. Du kan seia at presten og Sittona var nokre av dei fyrste sambuarane i Leikanger, i alle fall i «øvrigheta». Han vart pensjonist i 1960.

- Eg var vel helst litt redd presten, men ho Sittona såg oss ungane. Ho let oss plukka valnøtter, vel å merka om me spurde fyrst.

Knut Henning meiner Leikanger har mykje å takka "Daaen" for, ikkje minst at han brukte energi på restaurering av kyrkja og testamenterte pengar til klokkargarden, som i dag er kyrkjelyds huset.

- Eg har forresten hatt ein liten jobb i kyrkja: eg har gått rundt i bygda og samla inn abonnementsavgift på kyrkjelydsbladet, skyt han inn



Magos trenar til oppkjøring. Ove Kristian Lunden er "sjåførlærer" og Knut Henning er "sensor" i baksetet.

Eit betre liv her og no

- *Kva rolle meiner du kyrkja kan spela i dag?*
- Kyrkja med sine trygge ritual er viktig. Ho skal vera lett tilgjengeleg for menneska og open for alle, særleg for dei som fell utafor på ulikt vis. Eg trur kyrkja ynskjer å vera inkluderande, men de har enno ein lang veg å gå. Kyrkja må hjelpa menneska til å skapa eit betre liv

for seg sjølv og andre, og vera ein arena der me finn samhald og drivkraft til å gjera godt mot kvarandre. Ho må visa oss at det å hjelpa andre er vår eigen veg til fred. Det gjeld lokalt og det gjeld internasjonalt. Kyrkja vil ikkje rasa saman sjølv om ho tenkjer breitt og folkeleg. Det kyrkjelege har ofte signalisert det tronge, men skulle vera ein stad der me kunne pusta fritt. Det er ei utfordring for kyrkja å bli betre på det.

- *Kva med gudstenestene?*

- Det er fint å vera på gudsteneste. Det er høgtideleg og fint med salmesongen, men eg har som nemnt problem med presten sin tåketale. Gje meg heller noko å strekkja meg etter, ei ny utfordring eg kan jobba med!

Knut Henning meiner presten har ein viktig funksjon som normberar.

- Ikkje berre når han er på preikestolen og ikkje berre når han eller ho utøver kyrkjelege handlingar, men heile tida. Det gjeld forresten ikkje berre for prestar. Eg held kurs for folkevalde og minner dei om at dette er eit verv dei ikkje kan leggja ifrå seg på fritida. Dei skal i alt sitt virke visa seg tilliten verdig. Det same gjeld prestar, lærarar og mange andre i posisjonar der tillit er viktig.

- *Og til slutt?*

- Me må verta flinkare til å akseptera mangfald og byggja ned motsetningar. Diverre kan det verka som om intoleransen er i framvekst.

Invitasjon Til alle som fyller 6 år i 2016

Hei alle seksåringar.

Sundag 3.april kl.11 vert du invitert til ei spesielt fin gudsteneste i kyrkja vår.

Gudstenesta er særleg laga for seksåringar og det er presten Egon, kyrkjelydspedagogen Monica, organisten Hallgeir og kyrkjetenaren Cristina som leier gudstenesta, saman med ei gruppe konfirmantar.

På denne gudstenesta får du ei boka som heiter Mi kyrkjebok, men det er ikkje den boka du fekk då du var fire.

Me startar med ei samling for seksåringane og foreldra - i kyrkja kl.10. Då er me godt førebudde til gudstenesta byrjar.

Det vert sendt invitasjon til alle som er medlemmer i kyrkja. Men andre kan også få boka. Gje oss melding viss de vil koma.

Beste helsing Monica Ugulsvik (kyrkjelydspedagog)



Foto: Helge Johnsen, Firda

Mat og kultur byggjer nettverk

Full kok i kulturgrøtta i Leikangerhallen på onsdag. Kombinasjonen mat og kultur viste seg å verta ein suksess. Bygdefolk strøymde til Leikangerhallen frå dørene opna i 13-tida, og fekk sjå korleis kulturgrøtta byggjer bruer.

Den vanskelege ø

Chiku Ali heldt eit fyrverkeri av eit føredrag. Med gode døme og ved å bruka kroppsspråket sitt, hadde kjærleiksflyktingen frå Tanzania/Bergen publikum i si hule hand frå første stund. I føredraget sitt var ho oppteken av kor viktig det er å byggja bruer mellom bygdefolk og flyktningane, som har flykta frå eit land der dei var noko og hadde verdiar, men i det nye landet må dei byrja frå botn. Ikkje berre er dei språkause, men dei er òg stamme- og identitetsause. – Å læra seg norsk er viktig, men norsk er eit vanskeleg språk. Bokstavane ø, æ, y og å lagar problem. Me har ikkje slike bokstavar. Gje flyktningar ein jobb, for dei lærer ikkje å seia ø heime i stova si. Men det er ikkje nok å læra seg norsk. Like viktig er det å læra seg dei uskrivne reglar og kodar for å forstå det nye landet dei har komne til og kunne unngå mange mistydingar.

– Dobbeltsjekka

I føredraget kom Ali inn på mange småting som kan gjerast tilværet vanskeleg for dei som kjem til Noreg. – Klokka mi går berre til 12, men i Noreg er ho 13, 14 eller 20. Skal ein møta hjå lege kl. 14.30, og så går klokka mi berre til 12. Hugs å spør om dei har forstått, seier Ali. Ho meiner ideen med flyktningeven er framifrå. Då kan ein byggja nettverk og få gode opplevingar. Ho hadde òg ei oppmoding til dei mange i salen. – Alle har eit namn. Lær deg namnet og sei det rett, sa Chiku Ali, som fekk mykje ros etter føredraget.

Lærerikt

– Eg er imponert over kor mange som kom til føredraget mitt. Eit godt tiltak for å få til ei god integrering i Leikanger, seier Ali, som registrerte at det var nesten full sal på den første samlinga, og salen var fylt godt opp til andre seksjonen. – Både kjekt og lærerik høyrte på Chiku Ali. Ho snakka om alt som er viktig både for dei som bur i bygda og me som kjem hit som flyktningar, seier Shewit Demai Temelso.

Tekst og foto: Sigrid Svartefoss/Sogn Avis



Bildet er frå soknerådet sin fargerike førjulssamling i desember (foto Egon Askvik)

Bildet er frå fargerik førjulssamling i kyrkjelydshuset. Foto Egon Askvik



Mange stilte seg i kø for å prøva seg i klatreveggen og speidarane var ivrige hjelparar. Foto Sigrid Svartefoss



- Ta imot og inkludér flyktningane. Leikanger må førebyggja og ikkje reparera, seier Chiku Ali



- Mange kjem og spør om me kan få i gang matkurs, slik me hadde for seks år sidan, seier Shewit Demai Temelso. Ho sto på stand for Flyktningetenesta. Foto Sigrid Svartefoss



Idrettslaget gjer ein stor innsats for å få flyktningar med seg i arbeidet. Karoline (t.v.) og Synnive delte mellom anna ut ballar. Foto Sigrid Svartefoss



I lang, lang rekkje sto systrender og tolmodige og venta for å prøva seg på nye og framande smakar frå Eritrea og Syria, men og den tradisjonsrike lapskausn fall i god smak. Foto Sigrid Svartefoss

Gode råd for integrering:

- Sei hei, smil.
- Ver åpen.
- Ta kontakt.
- Sei/forklar korleis vi gjer ting.
- Snakk med dei, ikkje om dei.
- Still spørsmål om kulturen og landet dei kjem frå.
- Ver ein aktive lyttar.
- Forsikre deg om at du vert forstått.
- Sei kva du forventar.
- Hugs at du har noko å lære av andre.
- Ha det kjekt saman.

Forfatta av Aase Njøs, inspirert av Chiku Ali sitt føredrag



Konfirmasjonar i Leikanger 2016

Laurdag 14.mai kl.12

Stine Njøs Eikeland
Ingemår Fosshagen
Amalie Hylseng Haugen
Frode Offerdal Jakobsen
Hanna Krosshaug
Brede Nes
Trine Humlestøl Njøs
Amanda Skarsbø Opthun
Martin Strømseng Opthun
Marion Borlaug Orrestad
Tina Therese Sælid Heggstad
Sigurd Myklebust

Sundag 15.mai kl.11

Synne Gjerde
Torunn Lærum Gjølringbø
Andreas Solberg Høgalmen
Kasper Foss Johannesen
Therese Foss Johannesen
Mathias Berge Jørgensen
Andrèa Langeteig
Ingeborg Røysum Langeteig
Ørjan Langeteig
Kristine Lidal Røysum
Henrik Farstad Sagen
Joakim Solheim
Joakim Elde Walaker

Sundag 15.mai kl.13

Mathias Fossberg
Andrea Henjesand
Gaute Eliassen Hamre
Amalie Dimmen Henjum
Sara Felde Liljedal
Andrine Elenni Nornes
Gunvor Hamre Nornes
Sigurd Stenstadvold
Adrian Husabø Thue
Amund Bäckström Vikdal
Magnus Risnes Wolff
Elisabeth Øverbø



Ragnhild var lys vaken!

- Det var veldig gøy å vera i kyrkja ein heil laurdagskveld, seier Ragnhild Stenstadvold (11). Saman med andre frå klassen fekk ho utforska kyrkja ein heil kveld i februar.

- Kva gjorde de på?
- Me fekk spela på orgelet.

- Fekk de lov til det?

- Hallgeir viste oss korleis det fungerte. Og så las me litt i Bibelen om då Jesus skulle ut av byen og ein fattig mann sat og tigga. Han var blind. Han bad Jesus om å gje han att synet.

Ragnhild fortel at ho og dei andre 11-åringane reiste til Sogndal og var med på gudstenesta der på sundag. Det var dåp, dei las frå Bibelen og så fekk dei sin eigen bibel.

- Me opptredde saman med Bjarte.
- Kven er Bjarte?
- Han heiter Bjarte Leithaug og har gitt ut mange barneplater. Og så er han onkelen til artisten Gabrielle. Me sa til han at neste gong måtte han ta henne med, men han sa han ikkje kunne lova det, hehe.

- Hugsar du nokon av songane?

- ”Me må være med” og ”Fly lille engel”. Det var slike songar som du får litt på hjernen. Me nynna på dei i fleire dagar etterpå.

- Fekk de mat?
- Me fekk pizza, men eg ikkje så glad i det.
- Kva likar du, då?
- Hellekakene til Besta, hehe!

- Det var ikkje alle 11-åringane som var der?

- Nei, og dei som ikkje kom, kan angra på det. Og til dei som byrjar i femte klasse til hausten: Bli med på Lys Vaken, for det var veldig gøy, seier Ragnhild.



Den spesielle 11-årsbibelen vart utdelt.
(Foto: PÉtter Stenstadvold)



Hallgeir fortel.



Bjarte og konfirmanthjelparane.

70. årgang av Leikanger kyrkjelydsblad

Leikanger kyrkjelydsblad går no inn i sin 70.årgang. Det er eit jubileum som me vil markera med nokre historiske klypp. Det var presten Nils Ruset som var den fyrste redaktøren og den som tok initiativ til bladet. Her er frå fyrste utgåva frå oktober 1947:

Kyrkjelydblad for Leikanger, Feios og Fresvik

Nr. 1.	Kjem ut ein gong for månaden.	Oktober 1947.	Ansvarleg: Soknepresten.	1. årgang.
--------	-------------------------------	---------------	--------------------------	------------

Kyrkjelydblad for Leikanger, Feios og Fresvik.

Kjem ut på Leikanger 1 gong i månaden. Bladpengar kr. 2,50 for året.

Kyrkjelydblad for Leikanger, Feios og Fresvik.

Her kjem første nr. Det gjer ikkje krav på å vera nokon prestasjon. Det kjem som ei helsing til deg. Først og fremst ynskjer me å koma med ei helsing frå Gud, din Frelsar og himmelske Far. Dinest frå kyrkja di og kyrkjelyden du høyrer til, den du vart døypt inn i.

Så ynskjer me at bladet må vera eit band som bind dei tre kyrkjelydane saman. Ei serskild helsing sender me til alle dykk som på grunn av sjukdom eller alderdom ikkje lenger kan koma saman med kyrkjelyden om Guds ord. Måtte du få merka litt av eit kjærleikens og Andens pulslag gjennom dette vesle bladet.

Desse tek imot bladpengar:

Endre Lidal, Jon E. Husabø, N. Ruset, Per Thue, Nils Johs. Henjum og handelsmann Henjum.
Mons Afet, Harald Tjønn, Per H. Bethun, P. O. Hatlelid og Ivar Tjønn.

Indremisjonsstemna.

Rundt Bededagshelga får me vitjing av generalsekr. Wisløff saman med songaren Bertelsen. Me vil helsa dei hjarteleg velkomne til Leikanger kyrkjelyd. Wisløff er no leiaren for den største indremisjonssamskipnad i landet og me veit han leiar den i ei sunn leid. Han har stor røynsle både i direkte indremisjonsarbeid og i aktivt kyrkjearbeid. Han er ein varm forkynnar og me kan gleda oss over at han vitjar Sogn.

Ein vil hermed oppmoda også dei frå Fresvik og Feios om å finna vegen til Leikanger kyrkja Bededag.

Karsten sine beste

Presten Karsten Isachsen døydde i januar i år. Han var kjent for sine mange historier som han ofte krydra preikene og føredraga sine med. Kristen Askeland las ein del av dei på eit tysdagstreff i februar og me deler nokre av sogene her:

Det er kaldt i Hallingdal i januar. Det siste bøndene i Skurdalen gjer om kvelden i januar er å ta inn gradestokken. Det er lite underhaldning i fjellbygdene i januar, så ein er takksam for alt som vert bydd. Ein snørik vinterdag kjørte ein oslomann av vegen med volvoen sin og hamna ut i laussnøen. Fire–fem karar i vadmålsdressar sto oppe på riksvegen og peika og kommenterte. Mannen ute i snøen var både ergerleg og flau og ropte: ”Hvem er det som har ansvaret for brøytinga her, da?” Då svara ein av hallingdølene: ”Der du ligg veta me ikkje, men her uppe på vegen er det Statens vegvesen”

Den mest typiske dialekten i Hallingdal har me på Nesbyen. Ein nesning var på Ringerike sjukehus. Lækjaren hørde med ein gong på dialekten at mannen var frå Nesbyen. No sto han og fordelte urinprøven til mannen på fem mindre glas. Medan han held på med dette, seier han for å prata litt med pasienten: ”Jasså, du er frå Nesbyen?” Mannen fer saman på krakken og utbryt: ”Huttetu, no har vitenskapen kømmi langt!”

Det sto eit bryllaup i Ål kyrkje i Hallingdal. Brudgommen var vestlending. Det er ikkje uvanleg i Hallingdal at ein av brurefolka kjem vestfrå, for det er jo berre Hardangervidda imellom. Så møtest dei i høgjellet om sommaren og hekkar der, og så vert det bryllaup utpå vinteren.

Grunnen til at denne brudgommen vert ekstra godt hugsa, er at han vert rekna for å vera den ærlegaste brudgom i Hallingdal på minst to generasjonar. For då presten spurde han om han vil ha henne som sto attmed

han til ektemake svara han: ”Eg ville no heller hatt systera”.

I gamle dagar førte presten både kyrkjebøkene og folkeregisteret på bygdene. Det var ikkje lov å gjera overstrykingar i dei offentlege protokollane. Feilen



Foto: Erlend Berge Vårt Land

skulle rettast, saman med ein merknad i margen om at noko var gale. I kyrkjeboka for Nes prestegjeld melde eit ektepar i førre hundreår inn ti born til dåp i løpet av ein tjueårsperiode. Dei vart så besteforeldre og kom til presten for på melde det fyrste barnebarnet til dåp. Men i farten skrev presten feil

og førte besteforeldra opp som foreldre og barnebarnet som barn nummer elleve.

Feilen vart retta i kyrkjeboka. I margen står fylgjande merknad med presten si sirlege handskrift: ”Det ellefte barn skyldes utelukkende slurv fra min side”

Den nye kapellane vart belemra med heile fem brurevigslar ei jonsokaftan. Han førebudde seg godt og la lista med alle namna inn i altarboka. Det gjekk greitt i fyrste par. Men allereie i andre paret fekk han kluss på vekslingssida, som det heiter på skøytespråket. Han kopla feil og spurde brudgommen om han ville ha Erna Gudmundsen som sto attmed han. ”Nei”, sa brudgommen. ”Feil brud”. For at det heile ikkje skulle stoppa heilt opp, valde den unge presten med den største rutine å snu altarboka med lista mot brudgommen. Så sa han høggtideleg: ”Og hvem vil du så ha?”

Ein oktoberdag vart det forretta vigsel i Skurdalskyrkja ein måndag ettermiddag. Etter vigsla sa presten til kyrkjetenaren: ”Dette er jammen fyrste gongen eg har forretta ei brurevigslar på ein måndag”

Då sa kyrkjetenaren, som var 84 år, og gamal ungkar: ”Å ja, du veit, dei vilja ikkje øydeleggje weekenden !”

Frå omtalar av boka Kyrkjefolk

Nesten ukentlig dumper det inn anmeldereksemplarer av teologisk og kirkelig litteratur på Nytt norsk kirkeblad-redaktørens kontor. Vanligvis kikker jeg raskt på bøkene og setter dem i hylla for så å distribuere dem videre til anmeldere. Da boka «Kyrkjefolk» havna på kontoret mitt en regnfull Oslo-høstdag, ble jeg sittende i tre kvarter og bla i den før jeg greide å rive meg løs. Jeg tok meg i å le høyt flere ganger, og ble jevnlig blank i øynene. For denne boka er et praktisk-teologisk praktstykke der den norske folkekirken blir kjøtt og blod, formidla gjennom ord og bilder.

(.....)

Noe av det som gjør boka så troverdig som den er, er at fortellingene er så sammensatte. Askvik må åpenbart ha evnen til å få folk til å snakke ærlig. Det fortelles om nærhet og avstand til kirken, tillit og provokasjon, mening og kjedsomhet. «Kyrkjefolk» er en kjærlighetserklæring til kirken, lokalmenigheten og folket i Leikanger, men fungerer som så mye mer enn det: En påminnelse til alle oss som jobber der om at kirken vever seg inn i folks liv på tilsikta og utilsikta måter, på godt og vondt, men (nesten) aldri på en likegyldig måte. Boka ga meg lyst til å bli menighetsprest igjen.

Merete Thomassen i tidsskriftet Nytt Norsk Kirkeblad, utgjeve av Det praktisk-teologiske seminar ved Universitet i Oslo.

Hjertelig takk for den mest fantastiske julebok jeg noen gang har fått! For en gave til menigheten, Leikanger, og oss alle! Så vakker og så gripende! Jeg har smilt og grått om hverandre. Alle disse vitnemål. Fra gamle og unge, ikke minst fra barna. Jeg har lest og grått hver dag siden jeg fikk din bok mellom hendene. En slik andaktsbok har jeg aldri fått.

(....)

Takk for at jeg får være med i boken og hjertelig takk for at du sendte meg den!

Julekort frå Gerd Grønvold Saue. Ho har skrive dåpsalmen "Eit under hender i verda" som er med i boka og som me brukar mykje ved dåp i Leikanger.

Eg trur dette er ei av dei finaste bøkene eg har lese. Den var så nær inn i livet og so open og god med det å vere menneske og kanskje litt på leiting på alle stadier i livet. Dersom du er i kontakt med dei einskilde som har vore bidragsytarar til boka, må du overbringe ei stor takk for den openheit dei har vist.

Brev frå Kjell Dahle



EGON ASKVIK KYRKJEFOLK



Med boka «Kyrkjefolk» gir Egon Askvik oss gode historier om de viktige enkeltmøtene med kirken og med presten, på de «vanlige søndagene» og på de store merkedagene i livet, i glede og sorg. Jeg blir rørt, glad og inspirert av fortellingene. De bekrefter erfaringer jeg selv har gjort som prest. Men boka gjør meg også ydmyk fordi den minner om det store ansvaret vi som prester har. Folkekirkens framtid avhenger av at folk blir møtt med respekt når de kommer til kirken. Plikt holder ikke, en god relasjon er nødvendig.

Innvild Oseberg, Inter Collegas - Den Norske Kirkes Presteforening

REGNBOGEBØN



FASTETID

Frå og med oskeonsdag

Krossen frå Kenya viser oss innhaldet i fasta - ein kross full av hender. Guds hender og menneske-hender. Vi klarar ikkje å skilja dei frå kvarandre. Evangeliet er meir enn ord. Når nokon orkar å vera Guds hender i verda, og samstundes strekkjer seg mot Gud i lovsong og bøn, då opplever vi at handling og bøn blir eitt! (NoS 674)

FORANDRING

Frå og med 1. søndag i fastetida

- No er eg veldig glad. Det reine vatnet vil gjera oss mindre sjuke, og det blir mykje kortare å gå. Då treng eg ikkje å bruka så mykje tid på å henta vatn, seier Agnes. Pengane frå TV-aksjonen hausten 2014 har forandra alt. No kan dei satsa på å byggja ei ny framtid i landsbyen Munguli i Tanzania. Fasteaksjonen 2016 vil gi fleire barn og vaksne nye høve.

RETTFERD

Frå og med 2. søndag i fastetida

- Det er eit bilete som har brunne seg fast på netthinna mi, biletet av born som kjem gåande i alt for store sko. Dei er på flukt og har gått langt. Så langt at dei har slite ut sine eigne sko, seier Anne-Marie Helland, generalsekretær i Kirkens Nødhjelp. Og legg til: For meg blei det også eit uttrykk for kor urettferdig krise i Syria og landa rundt ramar.

HÅP

Frå og med 3. søndag i fastetida

Frå små spirer, til millionar av tre, til håp i Kenya - eitt av landa i verda der fattige blir ramma hardt av klimaendringar. Gjennom prosjektet Mully's Children's Family har oppsamling av regnvatn i dammar og massiv treplanting skapt ein grøn oase midt i ein elles veldig tørr del av landet. Med enkle tiltak har vilkåra i området endra seg og utvikla eit berekraftig jordbruk.

VATN

Frå og med 4. søndag i fastetida

Tyfonen tok med nesten alt på herjinga si. Hus, bygningar og infrastruktur blei ødelagde, brønner rasa saman og vi måtte gå fleire kilometer for å kjøpa vatn. No kan vi henta vatn rett utanfor døra! Ei gledestrålende Angeline Moralde [12] fyller opp flasker med vatn, i ein av dei mange landsbyane der Kirkens Nødhjelp sytte for reint vatn og sanitære løysingar etter tyfonen Haiyan på Filippinene. Vi er der i kriser med reint vatn - for liv, helse, tryggleik og håp for framtida.

SAMAN FOR ANDRE

Frå og med Maria budskapsdag

- Vi blir først ein verkeleg kyrkjelyd når vi rettar blikket utover oss sjølve. Fasteaksjonen til Kirkens Nødhjelp gjev oss høve til å gjera nettopp det. Den er også ideell for å skapa samhald og sosialt fellesskap på tvers av generasjonar. Både born, unge og vaksne kan bidra på like fot og gjera noko saman, seier John Børge Askeland som er tilknytt Skårer kyrkje og Fjellhamar kyrkje i Lørenskog.

DEN STILLE VEKA

Frå og med Palmesøndag

Ein prosesjonskross frå Etiopia. Krossen er det samlande symbolet for heile den kristne kyrkja. Den stille veka gjev oss tid og rom for ettertanke og takksemi. Jesus visste kva liding var, og han har sigrar over dødskreftene. Det gjev håp!

Kjære Gud, takk for at fastetida gjev oss høve til å lytta til di stemme. Gjer oss vakne og opne så vi ser ditt bilete i menneske vi møter.

Kjære Gud, tenn håpet i oss denne fasta - håpet om forandring i oss og rundt oss. Takk for alle som bidreg til å skapa forandring. Og hjelp oss å endra praksis som truar framtida vår på denne kloden.

Kjære Gud, hjelp oss å lytta til kvarandre og dela håpet om rettferd og fred. Lær oss å dela rettferdig slik at alle får det dei treng - mat, vatn, tryggleik og framtid.

Kjære Gud, du har gjort oss til medskapande forvaltarar av jorda vi bur på. Gje håp, krefter og kreativitet - og eit heilagt utålmod.

Kjære Gud, takk for vatnet - ein grunnleggjande føresetnad for alt liv. Takk for styrken i svalande dråpar, for livskraft og nytt mot.

Kjære Gud, vi ber om at fastetida hjelper oss til å sjå forskjell på viktig og mindre viktig, så vi også kan utgjera ein forskjell - for andre.

Kjære Gud, Sonen din vart prøvd i alt. Ver med alle som opplever smerte og blir truga på livet. Hjelp oss å byggja fellesskap på tvers av alt som skil. Gje nyskapande krefter til alle som fremjer forsoning og fred.




Leikanger er klar for ny fasteaksjon - den årlege dør-til-dør-aksjonen for Kirkens Nødhjelp. Vårens vakreste eventyr.

Førti tusen konfirmentar + foreldre og soknerådsmedlemer tek del i ein landsomfattande dugnad.

På bildet ser me Malin, Julianne og Johanne som var konfirmentar i fjor. I fjor samla Leikanger inn kr.41 946 Greier me å slå den rekorden i år? Kirkens Nødhjelp arbeider i mange land. Dei jobbar særleg med prosjekt for å skaffa menneske reint vatn. Det er livsviktig.

Ta godt imot
bøssebærarane som kjem
på døra di tysdag 15.mars
frå kl.17 og utover!



SEND GAVE PÅ SMS TIL 2426 (200 KR)
Leikanger kyrkjelydsblad nr 1 2016

REKNESKAP FOR LEIKANGER KYRKJELYDSBLAD

Resultatrekneskap 1.1. - 31.12.2015

INNTEKTER:	Rekneskap 15	Rekneskap 14	Rekneskap 13	Rekneskap 12
Kontingentar 203/198	40 600,00	39 600,00	40 400,00	39 375,00
Gåver 65/61	10 270,00	11 650,00	7 850,00	17 200,00
Annonseinntekter	8 500,00	13 000,00	9 000,00	11 300,00
Renteinntekter	67,00	88,00	112,00	92,00
Samla inntekter	59 437,00	64 338,00	57 362,00	67 967,00
UTGIFTER:				
Prenteutgifter	-45 116,00	-40 260,00	-41 260,00	-46 138,00
Bladporto	-2 232,00	-2 250,00	-1 864,00	-4 254,25
Damekoret-utkøyring	-7 500,00	-5 000,00	-10 000,00	-2 500,00
Bankgebyr	-19,00	-24,00	-122,00	-122,00
Trykking av giroar		-1 160,00		-1 925,00
Sum driftsutgifter	(54 867,00)	(48 694,00)	(53 246,00)	(54 939,25)
Resultat (overskot)	4 570,00	15 644,00	4 116,00	13 027,75
<u>Balansekonto:</u>				
Omløpsmidlar				
I bank 01.01.2015	45 481,76	29 837,76	25 721,76	12 694,01
Overskot 2015	4 570,00	15 644,00	4 116,00	13 027,75
Sum omløpsmidlar	50 051,76	45 481,76	29 837,76	25 721,76
<u>Eigenkapital og gjeld</u>				
Kapital 31.12.2015	(50 051,76)	(45 481,76)	(29 837,76)	(25 721,76)
Sum eigenkapital	-50 051,76	-45 481,76	-29 837,76	-25 721,76

Praksisstudentane kjem

Praksisstudentane er i Leikanger kyrkjelyd 8.-31. mars og fylgjer prestetenesta der. Dei deltek også som predikantar, liturgar og har andakt, deltek på barnehagebesøk, tysdagstreff, sjukeheimen med meir. Dei skal bu i Sogndal



Fredrik Danielsen (24)

kjem frå Trondheim, der han gjekk på Kristen vidaregåande skole Trøndelag (KVT). Han har alltid vore glad i sport og friluft, og har mellom anna gått ein tiårsperiode på IFT Taekwon-Do.

Etter vidaregåande gjekk han eitt år på Borgund folkehøgskule

og fullførte fyrstegongstenesta på Setermoen i Tromsø.

Han seier han ikkje har mykje erfaring med praktisk teologi, at han i større grad har brukt tida på den teoretiske delen av teologien.

Han har hjelpt litt til med konfirmantarbeidet i Skaun kommune og har litt erfaring som forkynnar - mest for ungdom.



Fredrik Midttømme (23)

er veldig glad i friluftsliv. Han står ein del på ski og det var ein av hovudgrunnane til at han valde seg Leikanger.

Han er oppvaksen i Oslo aust, gjekk vidaregåande i Molde og var to år på Høgtun Folkehøgskule på Nordmøre.

Han har jobba ein del med ungdom i ulike aldersgrupper og har hatt praksis som ungdomsarbeidar i Hauketo

og Prinsdal, søraust i Oslo.

Han har tidlegare prøvd seg som liturg og forkynnar under ein praksisperiode.

Ved sida av studiet jobbar han i Sportsnett, ein butikk for fjellutstyr og han er framleis frivillig i Hauketo og Prinsdal kyrkjelyd. Han spelar også volleyball i OSI (Oslo studentidrett).

Kvar morgon går eg inn i kyrkja

Å stå opp tidleg er ein god vane, sjølv om nokon påstår det er ein uvane å vera oppe før fuglane har tenkt tanken. Ein tur til fots gjer godt, og så å gå innom den opne kyrkja vår. kveikja eit lys, be ei bøn og lysa velsigninga. I alle himmelretningar.

Herren velsigne deg og vare deg

Eg vender meg mot nord. Lyser velsigninga oppover bakkane. At dei på Leite må få ein velsigna dag. Likeeins alle sunnfjordingar, nordfjordingar, møringar, trøndarar og nordlendingar. Ei særleg velsigning og bøn om vern av våre sårbare nordområde. Tenkjer på isen i Arktis som smeltar etterkvart som temperaturen på jorda stig. Ei bøn om vern, så ikkje klimaendringane tek livet av oss og våre etterkomarar.

Herren late sitt andlet lysa over deg og vere deg nådig

Hendene vert lyfta mot vest. Hanahaug og ytrebygda. Visste du at Sognefjordvegen går like til Lavik? Velsigning over heimefolket mitt, strilane, og sjølv om det kan sitja langt inne: bergensarane er inkluderte. Velsigning over biskopen og staben hans. Og over gode vener i Austrheim og Fedje der eg tidlegare fekk vera prest. At Herrens andlet særleg kan lysa for dei som eg veit slit og har tunge dagar og vera nådig mot alle som i desse dagar vert utan arbeid.

At Herren må sjå i nåde til dei engelske øyane, livet i det store atlanterhavet og på det amerikanske kontinentet.

Herren lyfte sitt åsyn på deg

At Gud ser til dei innaføre, på Hermannsverk, Henja, Røysaleite, Dalen – ja hele strondi.

Lys for alle austlendingar og vår mektige nabo i aust. Og endå lenger aust, det enorme Kina, den unge nye økonomiske stormakta. At me ikkje går mot ein ny kald krig med opprusting, men kan byggja freden.

Og gløym heller ikkje sogndølane, om me no skal slåast saman med dei eller ikkje!

Og gje deg fred

Til sist vender eg blikket mot sør. Der ufreden, valden og uretten rår i alt for stor grad!

Guds velsigne Tyskland, Italia, Tyrkia og Hellas og landa som har teke imot det uendeleg lange fylgjet av flyktningar som har kome til dei frå sør. Gud, gje fred i Syria og rettferd i Eritrea! Velsign og gje vern til alle som no er om bord i ein livsfarleg båt, eller som vandrar til fots, rømt frå heim og hus, familie, vener og arbeid, på veg ut i ukjende. Ikkje fordi dei vil, men fordi dei må. Gje fred og rettferd i Midtausten, der konfliktane ikkje ser ut til å ha nokon ende.

Og Afrika, dette store, mangfaldige, fargerike, varme kontinentet. Som heilt ufortent har vorte synonymt med svolt og naud. Eg tenkjer med glede på songen, dansen, gleda og motet. Ikkje på grunn av omstenda, men på trass av situasjonen dei er i.

Og eg seier **Amen**.

Tekst/foto: Egon Askvik

Tre kyrkjefolk om gudstenesta



Eg forbind kyrkja med fine ting. Ho gir meg ro og rom for ettertanke. Utdeling av bøker er veldig kjekt. Då er det alltid mykje latter og god stemning. Ungane kosar seg og dei vaksne slappar av. Det er fin balanse mellom Alvoret i budskapet og meir lausslept song, musikk og glede.

Elin Borlaug Hauge



Det er ikkje alltid er har lyst å gå i kyrkja når sundags-morgonen kjem, men når eg er der, kjennest det godt. Det er ikkje alltid eg kjenner eit sterkt nærvær. Men eg likar vera ein del av kyrkjelyden, vera delaktig, få seia fram bønner og vera med og syngja.

Odrun Ugulsvik Myklebust



Eg kjenner meg sterkt knytt til kyrkja. Me er til kyrkje så ofte me kan. Leikanger kyrkje er min åndelege heim. Her er det kveik å få. Livet er meir enn det daglege brød. Ei god gudsteneste er for meg god musikk, god stemning i kyrkja og ei god preike.

Odd Njøs

Glede og sorg

Dåp

15.11.2015 Sunniva Fosse Hjelmeland
29.11.2015 Olai Kåsa-Ask
29.11.2015 Ada Holen Loven
29.11.2015 Mats Insteffjord Brekken
17.01.2015 Henrik Lunde Midtun
17.01.2016 Sander Berge Leirdal
31.01.2016 Nikoline Regine Bøkenes

Gravlagt

19.02.2016 Margot Eggum
26.02.2016 Rigmor Borgny Moum
04.03.2016 Odd Eggum

Jorden grønnes

Himlen blåner for vårt øye,
jorden grønnes for vår fot.
Bekken risler for vår tørste,
korn og blomst og tre slår rot.
Fugler spiler sine vinger,
barnet pludrer med sin mor.
Løvet være Han som skapte
drømmen og det første ord.

Vinden har sin sti å vandre,
bølgen har sin vei å gå,
vår og sommer, høst og vinter
skifter i det minste strå,
gledens tid og sorgens time
har sin bolig i hvert sinn.
Løvet være Han som åpnet
første le og siste grind.

Lyset stiger, lyset faller
over alle dunkle fjell.
Morgensol og aftenstjerne
viser dag og varsler kveld.
Hjertet har sin lengsels høyde,
hånden har sin gjernings fred.
Løvet være Han som er og
ånder over tid og sted.

Einar Skjæråsen
Norsk Salmebok 296

Denne songen, som no er kome inn i salmeboka, brukar me mykje her hjå oss. Den skildrar årstidene og menneskelivet på ein særskilt stillferdig og nær måte.

Einar Skjæråsen 1900-1966 er ein av dei mest folkekjære diktarane i sin generasjon. "Du ska itte trø i graset" og "Danse mi vise, gråte min sang" er allemannseige. Skjæråsen voks opp i Trysil. Han ga ut fleire diktsamlingar, men diktinga vart aldri levebrødet hans. Han var utdanna bankmann og budde i Oslo.

(Kjelde Norsk biografisk leksikon)

Fjor Kammerensemble gjestar Leikanger på nytt



Fjor Kammerensemble vart oppretta vinteren 2015, då sopranen Margrethe Fredheim frå Sandefjord og mezzosopranen Mari Askvik frå Leikanger ønskte å setja opp verket "Stabat Mater" av Pergolesi.

Dei fann fire musikarar som gjerne ville vera med på dette, Mari Bølgen Halvorsen (fiolin) og søkjenflokket Ragnhild Kyvik Bauge (fiolin), Einar Kyvik Bauge (bratsj) og Sverre Kyvik Bauge (cello). Dei gjorde ein turné med verket i påska, både på Austlandet og i Sogn. I Sogn vitja dei Aurland og Leikanger kyrkje, og bestemte seg fort for at dei ville koma attende for å spela meir i Sogn. I juli gjorde dei ein turné dei kalla "Sommarkonsertar ved fjorden". Dei vitja då Flåm, Undredal, Leikanger og Solvorn. Denne påska er dei utan Margrete Fredheim, som for tida jobbar ved Operaen i Erfurt.

Mari Askvik er utdanna ved Operahøgskolen i Oslo der ho fullførte ein mastergrad i 2014. No frilansar ho både som konsertsongar og operasongar. Etter studiet har ho mellom anna gjort hatt roller ved RingsakerOperaen, Operaen i Kristiansund og Haugesund Kammeropera. Mari er fast tilsett som alt i Det Norske Solistkor og er medlem av tidlegmusikkensemblet Christian IV's Vokalensemble i København.

Mari Bølgen Halvorsen er fiolinist og fullfører

mastergraden sin ved Norges Musikkhøgskole våren 2016. Ho jobbar allereie aktivt som frilansar, blant anna i Ensemble Allegria, LigeTrio og som vikar i Kringkastingsorkesteret.

Ragnhild Kyvik Bauge er også fiolinist og er i gang med ein bachelorgrad ved Norges Musikkhøgskole.

Einar Kyvik Bauge vart ferdig ved Norges Musikkhøgskole i 2015 og jobbar som fast tilsett bratsjist i Kringkastingsorkesteret. Han er i år også i Solistklassen ved Det Kongelige Danske Musikkonservatorium.

Sverre Kyvik Bauge er cellist. Han fullførte mastergraden sin ved Aaron Copland School of Music i New York i fjor, og jobbar no som frilansar med Oslo som base. Han er, til liks med Einar, medlem av kammerorkesteret Ensemble Allegria.

Konserten langfredag vil innehalda musikk frå kjende pasjonsverk, som Johannespasjonen og Matteuspasjonen av J.S. Bach. Det vert også salmesong og lesingar frå lidingssoga. Ensemblet ynskjer vel møtt til ei stemningsfull stund i kyrkja. Det vert ikkje teke inngangsbillett, men soknerådet er takksame for støtte til prosjektet. Det vert samla inn kollekt ved utgangen.



PASJONSKONSERT

Langfredag 25. mars

Leikanger kyrkje 17:30

Stedje kyrkje 20:30

*Mari Askvik
Mari Birgitte Bølgen Halvorsen
Ragnhild Kyvik Bauge
Einar Kyvik Bauge
Sverre Kyvik Bauge*

*mezzosopran
fiolin
fiolin
bratsj
cello*

Støtt våre annonsører -
dei støttar oss!

 **LEIKANGER Fjord Hotel**
Tlf: 57 65 60 20

 **Leikanger Auto**
Leikanger auto
Telefon 576 53 100
post@leikangerauto.no
www.leikangerauto.no


Aarskog
bakeri og konditori AS
Telefon 576 53 422

**SOGNEFJORD
HOTEL** 
Tlf: 57 65 11 00

Sogn  **gravferdshjelp**
Telefon: 57 68 14 77 (heile døgnet)
E-post post@sogngravferdshjelp.no
Kjell Grønli
Hans Magne Kvåle
Hege Urnes
Ingar Husum

 **sparebanken**
sogn og fjordane
Tlf: 57 82 97 00
www.ssf.no



 **Sogn Kontorsenter**
Leikanger - Årdal
57 67 66 99
www.sognkontorsenter.no

KIWI **mini pris**
TIPPING - RIKSTOTO
08-22 (20)

**coop
prix**

Oppslagstavla!

POPULÆR MIDDAG
Kyrkjelydsmiddagen - annakvar
tysdag kl.16-18 har vist seg å vera
svært populær. Nokre tysdagar har
nærare hundre personar vore innom
kyrkjelydshuset. Middagane vert
servert i oddetalsveker, men ikkje i
påska. Det kostar kr 50 pr. person, og
kr 200 for ein familie.



MEDARBEIDARFEST
det har blitt tradisjon å samle dei
somer engasjerte som frivillige i
kyrkjelydane i leikanger og Sogndal til
felles medarbeidarfest. I år er festen i
Stedje kyrkje torsdag 26. mai.
Noter dagen.

TYS DAGSTREFFET
for pensjonistar og andre interesserte
annakvar tysdag kl.1130-14 i
kyrkjelydshuset.

Reidun Strand leier trimmen, Hallgeir
Øgaard spelar klassisk musikk, Egon Askvik
leier og held andakt. Me møter "dagens
gjest". Og sjølvsagt syng me. Det vert
servert nydeleg middag + kaffi og kaker.
Den symbolske prisen er kr 50.

Det er treff tysdag 15. og 29.mars og
12.april (siste gong dette halvåret)

KYRKJEFOLK
Ta kontakt med easkv@online.no
for bestilling eller kyrkjekontoret
i Sogndal. Heimeside: www.
kyrkjefolk.no



LEIKANGER SOKNERÅD HAR MØTE
Onsdag 27. april
Onsdag 8. juni
Ta kontakt om du har saker til
soknerådet.

DUGNAD PÅ LEIKANGER KYRKJEGARD
Torsdag 28. april kl. 18.
Ta med hagesaks og rive og gjerne
litt mat og kaffi.



SALMAR & KAFFI
Sundag 24. april kl 19. samlast me til mykje
fin song og musikk i kyrkja og kaffidrås i
kyrkjelydshuset etterpå. Velkomne!

Helsing nemnda: Kari Kitty Stadhei, Jean
Rockwell, Hege Feet Askvik, Bjørn Sølvsnes,
Tom Sølve Mykjebust, Hallgeir Øgaard,
Cristina Sandor, Tove Stensås, Gerd Haugen,
Egon Askvik

Frivillig kontingent/gåve

Det er mange som set pris på kyrkjelydsbladet. Me har
også sett ein pris: Kr. 200,- men er sjølvsagt takksame
for alle gåver.

Bruk vedlagde
giroblankett eller set
pengar inn på konto
32781.07.30316.

Tusen takk!

PS: Me kan berre senda
bladet utabygds til dei som betalar.



RETTING I BLADET

I presentasjonen av det nye soknerådet i førre
nummeret av Kyrkjelydsbladet var det litt feil når det
gjaldt varamedlemene.

Dette er rett rekkefylgje på varamedlemene: 1. Tove
Stensås 2. Svein Helge Frækaland
3. Anna Helen Hamre (bildet) 4.
Jorunn Fosse Fidjestøl 5. Tone Britt
Mykjebust.



KYRKJEKALENDAR

MARS

Sundag 13. mars Maria bodskapsdag

Luk.1,39–45

Kl.19.00 Ung Messe. Sokneprest Egon Askvik, kyrkjelydspedagog Monica Ugulsvik, kantor Hallgeir Øgaard og stud teol. Fredrik Midttømme. Takkoffer til kyrkjelydsarbeidet. Forsongargruppe. Kyrkjekaffi i kyrkja.

Torsdag 24. mars Skjærtorsdag Joh.13,1–17

Kl.19.00 Kveldsgudsteneste med nattverd. Sokneprest Egon Askvik og stud.teol. Fredrik Danielsen.

Fredag 25. mars Langfredag Mark.14,26–15,37

Kl.17.30 (merk tida) Pasjonskonsert. Mari Askvik (song), Mari Birgitte Bølgen (fiolin), Ragnhild Kyvik Bauge (fiolin), Einar Kyvik Bauge (bratsj), Sverre Kyvik Bauge (cello).
Gratis inngang. Kollekt.

Sundag 27. mars Påskedag Joh.20,1–10

Kl.11.00 Høgtidsgudsteneste. Sokneprest Egon Askvik, kantor Arild Slinde, stud.teol. Fredrik Danielsen, Mari Askvik (song), Mari Birgitte Bølgen (fiolin), Dåp. Takkoffer til Sjømannskirken. Kyrkjekaffi

APRIL

Sundag 3. april 2. søndag i påsketida

1.Pet.1,3–9

Kl.11.00 Borna sin påskefest. Sokneprest Egon Askvik og kyrkjelydspedagog Monica Ugulsvik. 6-åringane særleg innbedne. Konfirmantane leier gudstenesta. Dåp. Takkoffer til kyrkjelydsarbeidet. Kyrkjekaffi.

Sundag 17. april 4. søndag i påsketida

Joh.14,1–11

Kl.11.00 Gudsteneste. Konfirmantane tek del. Takoffer til kyrkjelydsarbeidet. Kyrkjekaffi.

Sundag 24. april 5. søndag i påsketida

Joh.17,6–11

Kl.19.00 Salmar & kaffi. Ei annleis gudsteneste med mykje song og musikk. Kollekt til Kirkens bymisjon, Bergen. Me syng saman frå kl.18.30.

MAI

Sundag 8. mai Sundag før pinse Joha.16,12–15

Kl.11.00 Gudsteneste. Prostiprest Kjell Sæter. Takkoffer til Røde Kors sitt flyktningearbeid.

Laurdag 14. mai Pinsafta

Kl.12.00 Konfirmasjon. Takkoffer til kyrkjelydsarbeidet

Sundag 15. mai Pinsedag Joh.14,23–29

Kl.11.00 Konfirmasjon. Takkoffer til kyrkjelydsarbeidet.

Kl.13.00 Konfirmasjon. Takloffer til kyrkjelydsarbeidet.

Tysdag 17. mai Grunnlovsdag

Kl.10.15 Festgudsteneste. Takkoffer til Amnesty International.

Sundag 29. mai 2. søndag i treeining Joh.3,1–16

Kl.11.00 Gudsteneste. Dåp. Takkoffer til Det Norske Bibelselskap.

JUNI

Sundag 12. juni 4. søndag i treeining

Matt.9,35–38

Kl.11.00 Gudsteneste . Takkoffer til Lyngmo ungdomssenter.



Sjå oppdaterte gudstenestelister på

<http://www.leikanger.kommune.no/kyrkjekalender.4850977-172067.html>